



558/4-1/21  
26-01-2021

## ტყიბულის მუნიციპალიტეტს

როგორც მოგეხსენებათ, საქართველოს პარლამენტის გენდერული თანასწორობის საბჭოს ფარგლებში განხორციელდა თემატური მოკვლევა „**პროფესიული განათლება ქალთა ეკონომიკური გაძლიერებისთვის**“. თემატური მოკვლევის ჯგუფმა შეიმუშავა ანგარიში, რომელიც გამოქვეყნდა 2019 წელს. ანგარიშში მოცემულია რეკომენდაციები კონკრეტული უწყებების მიმართ.

თემატური მოკვლევის „პროფესიული განათლება ქალთა ეკონომიკური გაძლიერებისთვის“ ფარგლებში თემატური მოკვლევის ჯგუფმა შეისწავლა სამთავრობო პოლიტიკა, სტრატეგიები და ადგილობრივი პოლიტიკა ქალებისთვის პროფესიული განათლების ხელმისაწვდომობის კუთხით. თემატური მოკვლევის ანგარიშში წარმოდგენილი მიგნებები ეფუძნება მოკვლევის მრავალმხრივი ჩართულობით წარმართულ პროცესს, რომელშიც გათვალისწინებულია როგორც წერილობითი მოსაზრებები, ისე - საქართველოს პარლამენტში გამართული ორი ზეპირი მოსმენის შედეგები და პროფესიულ განათლებაზე უკვე არსებული კვლევები.

ანგარიშში მოცემულია ის დაბრკოლებები, რომლებიც ხელს უშლის ქალებს ჩაერთონ პროფესიული განათლებისა და გადამზადების პროგრამებში. მიუხედავად იმისა, რომ პროფესიულ განათლებაში ჩართული ქალებისა და კაცების თანაფარდობა მკვეთრად განსხვავებული არ არის (ქალები - 43%), გასათვალისწინებელია რამდენიმე ფაქტორი. ერთი მხრივ, პროფესიული განათლების სფეროში კაცებისთვის მთავარი დაბრკოლებაა ის ფაქტი, რომ პროფესიული სასწავლებლის სტუდენტობა მათ არ ათავისუფლებს სავალდებულო სამხედრო სამსახურისგან და ამის გამო წვევამდელი ასაკის კაცები უარს ამბობენ პროფესიულ განათლებაზე (ან ფორმალურად არიან ჩარიცხული უმაღლეს სასწავლებლებში და პარალელურად ეუფლებიან პროფესიულ განათლებას), მეორე მხრივ, არსებული ბარიერების გამო ქალები არ ერთვებიან პროფესიული სწავლებისა და გადამზადების სისტემაში. აუცილებელია განვასხვავოთ 15-24 წლის გოგონებისა და ზრდასრული ქალების ჯგუფების განსხვავებული მდგომარეობა. ზრდასრული ქალებისთვის ბევრად ხელსაყრელია მომზადებისა და გადამზადების კურსები, მათი ხანგრძლივობიდან და დასაქმებისთვის საჭირო პროფესიის სწრაფად დაუფლების პერსპექტივიდან გამომდინარე.

მოკვლევის ფარგლებში გამოვლენილი მიგნებების შესაბამისად მუნიციპალიტეტების მიმართ შემუშავდა შემდეგი რეკომენდაციები:

1. მიმდინარე დეცენტრალიზაციის სტრატეგიის განხორციელების კონტექსტში აუცილებელია ადგილობრივი თვითმმართველობის როლის გათვალისწინება. კერძოდ, ადგილობრივ დონეზე უნდა გადაიჭრას ტრანსპორტირების, მუნიციპალური

ტრანსპორტის, ბაღების, სკოლებისა და სასწავლებლების ინფრასტრუქტურული საკითხი.

2. საჭიროა ეფექტურად იყოს გამოყენებული ბავშვთა ოთახებზე უკვე არსებული წარმატებული პრაქტიკა (კაჭრეთი, ზუგდიდი) და, ამ მხრივ, მუნიციპალიტეტებმა გამოიყენონ ქალთა ოთახების არსებული რესურსი.
3. საჭიროა დაინერგოს სტიპენდიების პრაქტიკა, რაც მეტად გააძლიერებს გოგონებსა და ქალებს პროფესიის დაუფლების ეტაპზე.
4. აუცილებელია, შეღავათებისა და უპირატესობის მხრივ გათანაბრდნენ უმაღლესი სასწავლებლებისა და პროფესიული სასწავლებლების სტუდენტები, რაც გაზრდის პროფესიული განათლების პრესტიჟს და გააუმჯობესებს სტუდენტების სოციალურ მდგომარეობას.
5. პროფესიული სასწავლებლებისთვის აუცილებელია დუალური პროგრამების დანერგვა (ბიზნესთან თანამშრომლობით), საერთო საცხოვრებლის ქონა, ფიზიკური ხელმისაწვდომობა (ფილიალები), რათა უფრო მიმზიდველი გახდეს პროფესიული განათლება.

გარდა ზემოაღნიშნულისა, საქართველოს პარლამენტის ადამიანის უფლებათა დაცვისა და სამოქალაქო ინტეგრაციის კომიტეტის ფარგლებში განხორციელდა თემატური მოკვლევა **„შეზღუდული შესაძლებლობის მქონე ქალებისა და გოგონებისთვის ჯანდაცვის სრვისების მისაწვდომობის შესახებ“**. თემატური მოკვლევის ჯგუფმა შეიმუშავა ანგარიში, რომელიც გამოქვეყნდა 2019 წელს. ანგარიშში მოცემულია რეკომენდაციები კონკრეტული უწყებების მიმართ.

თემატური მოკვლევის ჯგუფის მიზანი იყო სამთავრობო და ადგილობრივი თვითმმართველობის მიერ დაფინანსებული ჯანმრთელობისა და სოციალური დაცვის პროგრამებში შეზღუდული შესაძლებლობის მქონე ქალებისა და გოგონების ჩართულობისა და არსებული სამედიცინო მომსახურებების შესწავლა, რათა ხელი შეეწყოს შშმ ქალებისა და გოგონების ჯანმრთელობის უფლების სრულყოფილ რეალიზაციას. ამასთანავე, მოკვლევის ფარგლებში შშმ ქალებისა და გოგონების მიერ გამოვლინდა ის სერვისები თუ პროგრამები, რომლებიც მათი ავტონომიურობის მაქსიმალურად მაღალი ხარისხის მიღწევას შეუწყობს ხელს და უზრუნველყოფს მათი ჯანმრთელობის უფლების სრულყოფილ რეალიზაციას. მოკვლევის შედეგად შემუშავდა მთელი რიგი რეკომენდაციები და წინადადებები საქართველოს საკანონმდებლო და აღმასრულებელი ხელისუფლების ორგანოებისთვის. ასევე გამოიკვეთა მიგნებები ადგილობრივი თვითმმართველობების ორგანოების საქმიანობასა და პრიორიტეტებთან დაკავშირებით.

მოკვლევის ფარგლებში თქვენი უწყების მიმართ შემუშავდა შემდეგი რეკომენდაციები:

1. განხორციელდეს სატრანსპორტო საშუალებათა და საგზაო ინფრასტრუქტურის ადაპტირება შეზღუდული შესაძლებლობის მქონე პირებისთვის, საჭიროების შემთხვევაში კი ამ პირთა ინტერესების გათვალისწინებით შეიძინონ ახალი სატრანსპორტო საშუალებები.
2. დაინერგოს შეზღუდული შესაძლებლობის მქონე პირებისათვის სივრცის მოწყობის პროცესში ეფექტური აღსრულებისა და ზედამხედველობის მექანიზმი. მისაწვდომობის უზრუნველყოფის მიზნით, კანონმდებლობისა და პროგრამების შემუშავებისას ცენტრალურ და ადგილობრივ დონეზე მაქსიმალურად იქნეს

უზრუნველყოფილი შეზღუდული შესაძლებლობის მქონე პირთა, მათ შორის ქალების ჩართულობა.

3. შემუშავდეს მხარდამჭერი პროგრამები შშმ პირების ოჯახის წევრებისთვის.
4. მუნიციპალური სპორტული დარბაზები მოერგოს უნივერსალური დიზაინის პრინციპს.
5. ღია ცის ქვეშ არსებული მუნიციპალური სპორტული კუთხეები (ე.წ. სპორტული დარბაზები ღია ცის ქვეშ) მოერგოს უნივერსალური დიზაინის პრინციპს.

მოცემული რეკომენდაციების შესრულების მონიტორინგის მიზნით, საქართველოს პარლამენტის რეგლამენტის 148-ე მუხლის პირველი პუნქტის საფუძველზე, მოგმართავთ თხოვნით, მოგვაწოდოთ სრულყოფილი ინფორმაცია თვითოეული რეკომენდაციის შესრულების მიზნით რა ღონისძიებები განახორციელა უწყებამ თავისი კომპეტენციის ფარგლებში. ასევე გთხოვთ, მიუთითოთ ის რეკომენდაციები რომელთა შესრულებაც რელევანტური აღარ არის, ვინაიდან შესაბამისი არგუმენტაციის გათვალისწინებით არ არის მიზანშეწონილი ან/და სხვა ტიპის ღონისძიებებით უკვე მიღწეულია დასახული მიზანი. ასევე, გთხოვთ, გვაცნობოთ ის შეუსრულებელი რეკომენდაციები, რომლებზეც უწყება სამომავლოდ გეგმავს მუშაობას.

დანართი:

(1) „პროფესიული განათლება ქალთა ეკონომიკური გაძლიერებისთვის“ თემატური მოკვლევის ანგარიში - 37 (ოცდაჩვიდმეტი) გვერდი.

(2) „შეზღუდული შესაძლებლობის მქონე ქალებისა და გოგონებისთვის ჯანდაცვის სერვისებზე მისაწვდომობის შესახებ“ თემატური მოკვლევის ანგარიში - 70 (სამოცდაათი) გვერდი.

პატივისცემით,

პარლამენტის წევრი  
ნინო წილოსანი





საქართველო  
ტყიბულის მუნიციპალიტეტის მერია  
GEORGIA  
TKIBULI MUNICIPALITY CITY HALL



✉ კარლო ლომაძის მოედანი №3 Karlo Lomadze Sq. №3 ☎ 0(497) 22-20-20 E-mail: tkibulimunicipality@gmail.com

N 47/400  
10/02/2021

400-47-2-202102101518



საქართველოს პარლამენტის წევრს  
ქალბატონ ნინო წილოსანს

ტყიბულის მუნიციპალიტეტის მერიაში შემოსული თქვენი 558/4-1/21 26-01-2021 წერილის, საქართველოს პარლამენტის გენდერული თანასწორობის საბჭოს და ადამიანის უფლებათა დაცვისა და სამოქალაქო ინტეგრაციის კომიტეტის ფარგლებში განხორციელებული თემატური მოკვლევის „პროფესიული განათლება ქალთა ეკონომიკური გამძლიერებისთვის“ და „შეზღუდული შესაძლებლობის მქონე ქალებისა და გოგონებისთვის ჯანდაცვის სერვისების მისაწვდომობის შესახებ“, პასუხად, გიგზავნით ინფორმაციას, შემუშავებული რეკომენდაციების შესრულების მიზნით განხორციელებულ ღონისძიებებთან დაკავშირებით.

1. მიმდინარე დეცენტრალიზაციის სტრატეგიის განხორციელების კონტექსტში აუცილებელია ადგილობრივი თვითმმართველობის როლის გათვალისწინება. კერძოდ, ადგილობრივ დონეზე უნდა გადაიჭრას ტრანსპორტირების, მუნიციპალური ტრანსპორტის, ბაღების, სკოლებისა და სასწავლებლების ინფრასტრუქტურული საკითხი.

დელეგირებული უფლებამოსილების ფარგლებში, ტყიბულის მუნიციპალიტეტის მერია, კონსოლიდირებული ტენდერის საფუძველზე ახორციელებს მოსწავლეთა ტრანსპორტირებას.

2019 წელს რეაბილიტაცია ჩაუტარდა 13 საჯარო სკოლას, სოფელ საწირეში მოეწყო ცენტრალური გათბობა, მუხურას №1, №5 და სოფელ ახალსოფლის საჯარო სკოლებში გადაიღება სახურავი, №6, სოფელ ჯვარისას და ძიროვნის საჯარო სკოლებში რეაბილიტირდა სველი წერტილები, სოფელ მუხურას №2 საჯარო სკოლაში მთლიანად რეაბილიტირდა იატაკი ლამინირებული პარკეტით, სოფელ ძმების საჯარო სკოლაში მოეწყო მეტალო-პლასმასის ფასადი და კარ-ფანჯარა და ხის მასალის იატაკი და ჭერი, სოფელ ორპირის საჯარო სკოლაში ფოთი და საკლასო ოთახებში მოეწყო მეტალბის იატაკი, სოფელ გელათის საჯარო სკოლაში განხორციელდა დამხმარე ნაგებობის სახურავის რეაბილიტაცია.

2020 წელს მცირე რეაბილიტაცია ჩაუტარდა 12 საჯარო სკოლას, მოწესრიგდა სველი წერტილები, №4 და №5 საჯარო სკოლაში ნაწილობრივ რეაბილიტირდა იატაკი ლამინირებული პარკეტით. მშენებლობის პროცესშია №2 და №7 საჯარო სკოლები. 2020 წელს დასრულდა სოფელ მუხურას №1 საჯარო სკოლის მშენებლობა.

2021 წელს იგეგმება 15 საჯარო სკოლის სახურავის რეაბილიტაცია და სოფელ მუხურას №1 საჯარო სკოლაში ჭაბურღილის და სპორტ დარბაზის მოწყობა.

2017 წელს აშენდა ქალაქის №6 საბავშვო ბაღი, 2018 წელს, სამი ახალი საბავშვო ბაღი სოფლებში: გურნა, ჯვარისა და ძმების და 2020 წელს ქალაქის №4 საბავშვო ბაღი. სრული რეაბილიტაცია-რეკონსტრუქცია ჩაუტარდა ქალაქის №1 და №2 და სოფელ გელათის საბავშვო ბაღებს. მცირე რეაბილიტაცია ჩაუტარდა სოფლის ხუთ საბავშვო ბაღს. ამ ეტაპზე მიმდინარეობს ქალაქის №3 საბავშვო ბაღის სრული და №5 ნაწილობრივი რეაბილიტაცია.

2. საჭიროა ეფექტურად იყოს გამოყენებული ბავშვთა ოთახებზე უკვე არსებული წარმატებული პრაქტიკა (კაჭრეთი, ზუგდიდი) და, ამ მხრივ, მუნიციპალიტეტებმა გამოიყენონ ქალთა ოთახების არსებული რესურსი.

ტყიბულის მუნიციპალიტეტში არ ფუნქციონირებს ქალთა ოთახი.

3. საჭიროა დაინერგოს სტიპენდიების პრაქტიკა, რაც მეტად გააძლიერებს გოგონებსა და ქალებს პროფესიის დაუფლების ეტაპზე.

სასწავლებელში სტიპენდიების პრაქტიკა არ ინერგება, რაც შეეხება გოგონებისა და ქალების პროფესიის დაუფლებას, ტყიბულის სამთო-ტექნოლოგიური ინსტიტუტის, მყარი წიაღისეულის გამდიდრების ტექნოლოგიის სპეციალისტის პროგრამაზე 90% ქალი სწავლობს.

4. აუცილებელია, შეღავათებისა და უპირატესობის მხრივ გათანაბრდნენ უმაღლესი სასწავლებლებისა და პროფესიული სასწავლებლების სტუდენტები, რაც გაზრდის პროფესიული განათლების პრესტიჟს და გააუმჯობესებს სტუდენტების სოციალურ მდგომარეობას.

ამ ეტაპზე არ არის გათვალისწინებული.

5. პროფესიული სასწავლებლებისთვის აუცილებელია დუალური პროგრამების დანერგვა (ბიზნესთან თანამშრომლობით), საერთო საცხოვრებლის ქონა, ფიზიკური ხელმისაწვდომობა (ფილიალები), რათა უფრო მიმზიდველი გახდეს პროფესიული განათლება.

ტყიბულის მუნიციპალიტეტში ფუნქციონირებს საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო-ტექნოლოგიური ინსტიტუტი, რომელიც გასცემს პროფესიული განათლების დამადასტურებელ დიპლომს. სასწავლებელში სწავლება მიმდინარეობს ექვს პროგრამაზე:

- სამთო ტექნიკოსი
- სამთო ელექტრო მექანიკოსი
- მყარი წიაღისეულის გამდიდრების ტექნოლოგიის სპეციალისტი
- მებათქაშე
- მღებავი
- ინფორმაციული ტექნოლოგიების მხარდაჭერა.

ამ ეტაპზე მიმდინარეობს შ.პ.ს. „საქნახშირი“ თან თანამშრომლობით დუალური

პროგრამების განხილვა. სასწავლებელს არ გააჩნია საერთო საცხოვრებელი.

1. განხორციელდეს სატრანსპორტო საშუალებათა და საგზაო ინფრასტრუქტურის ადაპტირება შეზღუდული შესაძლებლობის მქონე პირებისათვის, საჭიროების შემთხვევაში კი ამ პირთა ინტერესების გათვალისწინებით შეიძინონ ახალი სატრანსპორტო საშუალებები.

ბიუჯეტში შესაბამისი თანხების უქონლობის გამო, ამ ეტაპზე მერია ვერ ახდენს შშმ პირებისთვის ადაპტირებული ტრანსპორტის შეძენას. სატრანსპორტო პარკის განახლების თაობაზე მიმდინარეობს მოლაპარაკება ცენტრალურ ხელისუფლებასთან.

2. დაინერგოს შეზღუდული შესაძლებლობის მქონე პირებისთვის სივრცის მოწყობის პროცესში ეფექტური არსებობისა და ზედამხედველობის მექანიზმი. მისაწვდომობის უზრუნველყოფის მიზნით, კანონმდებლობისა და პროგრამების შემუშავებისას ცენტრალურ და ადგილობრივ დონეზე მაქსიმალურად იქნეს უზრუნველყოფილი შეზღუდული შესაძლებლობის მქონე პირთა, მათ შორის ქალების ჩართულობა.

შშმ პირებისთვის სივრცის მოწყობის პროცესში, ჩართულია მუნიციპალიტეტის სივრცითი მოწყობისა და ინფრასტრუქტურის განვითარების სამსახური. საქართველოს მთავრობის 2014 წლის 6 იანვრის №41 დადგენილების შესაბამისად, 2014 წლიდან შშმ პირებისთვის შენობები (მუნიციპალური თეატრი, სოციალური სააგენტო, ტყიბულის სამთო-ტექნოლოგიური ინსტიტუტი, საქართველოს და ლიბერთი ბანკები, მაგთიკომის ოფისი, სპორტის სასახლე, სპორტული მოედნები, საზოგადოებრივი ცენტრები, სავაჭრო ობიექტები, საბავშვო ბაღები და სხვა) ადაპტირებულია პანდუსებით.

3. შემუშავდეს მხარდაჭერი პროგრამები შშმ პირების ოჯახის წევრებისათვის.

შშმ პირების ოჯახის წევრებისათვის, 2021 წლის მუნიციპალურ პროგრამულ ბიუჯეტში შესაბამისი პროგრამები გათვალისწინებული არ არის. 2019 წელს შშმ პირის, გიორგი ბოჭორიშვილის ოჯახს, ადგილობრივი

მუნიციპალიტეტის ბიუჯეტიდან გამოეყო თანხა 5 600 ლარის ოდენობით, პანდუსისა და სველი წერტილების მოსაწყობად. ასევე მოეწყო სახლთან მისასვლელი ბეტონისაფარიანი გზა.

4. მუნიციპალური სპორტული დარბაზები მოერგოს უნივერსალური დიზაინის პრინციპს.


ტყიბულის მუნიციპალიტეტის სპორტის სასახლე უნივერსალური დიზაინის პრინციპის შესაბამისად არის ადაპტირებული.

5. ღია ცის ქვეშ არსებული მუნიციპალური სპორტული კუთხეები (ე.წ. სპორტული დარბაზები ღია ცის ქვეშ) მოერგოს უნივერსალური დიზაინის პრინციპს.

ტყიბულის ცენტრში არსებული სპორტულ-გამაჯანსაღებელი კომპლექსი, განახლებული სკვერი კოსტავას ქუჩაზე, სადაც განთავსებულია ტრენაჟორები, ასევე უნივერსალური დიზაინის პრინციპის შესაბამისად არის ადაპტირებული.

პატივისცემით,

თემურ ჩუბინიძე



მუნიციპალიტეტის მერი

ტყიბულის მუნიციპალიტეტის მერია

